

éloignée de plus de mille lieuës de fon païs, donner ses biens, & fa vie, pour ces Barbares, preferer vn toitç d'écorce à vn lambris d'azur, prendre plus de plaisir à conuerfer des Sauuages, qu'à visiter les plus Grands de la Cour: Quand ie contemple vne ieune Damoiselle, à qui vn frimas donnoit le rheume en France, trauerfer l'Ocean, pour venir deffier nos grands hiuers: Et cela, pour dire trois bonnes paroles à quelque Sauuage deuant fa mort, & en voir quelqu'un de ses propres yeux, inuoquer le fainçt Nom de Dieu. Quand ie voy des Sauuages deuenus Predicateurs, & des mangeurs de chair humaine, s'approcher de la Table de Iesus-Christ, avec vne modestie, & avec des sentimens de vrais enfans de Dieu; ie ne puis quasi douter, que Dieu qui a commencé le grand ourage de la conuerfion de ces peuples, ne le conduise à chef, malgré tous les obstacles qui s'y rencontrent.

Je racontois il n'y a pas long temps à [209] nos Sauuages Chrestiens, les secours que les ames d'élite leur donnoient, les grandes prieres qu'on faisoit pour eux en France; cela les toucha: Mais comme ils paroissent fort froids, ils n'en firent paroistre pour lors aucun semblant: Le lendemain deux des principaux me vindrent trouuer, & me dirent; Nikanis, nous nous sommes affemblés sur ce que tu nous difois hier, nous sommes pauvres, nous n'auons pas le moyen de reconnoistre ceux qui nous assistent; mais nous auons conclu que nous ieufnerions pour eux, & que nous prierions pour ceux qui prient tant Dieu pour nous: Nous ieufnerons fans boire ny manger tout le iour, difoient ces bons Neophytes; cette resolution me toucha, & me fit dire: Que ceux qui